




Ukuhlomisa izingane zethu
ngelikusasa

RI 1

**Isihloko sesifundo: Usizo oluNgcwele - AbaHluleli neNkosi yokuqala
yakwa-Israyeli**

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa **Usizo oluNgcwele - AbaHluleli neNkosi yokuqala yakwa-Israyeli**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le – RI 1. 2.4: Uyacelwa uthinte uThisha wakho we – RI 1 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se- RI 1 nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha.



Isifundo

Isihloko	Usizo oluNgcwele - AbaHluleli neNkosi yokuqala yakwa-Israyeli
Umbhalo weBhayibheli	Joshuwa 3 - 22; 1 Samuweli 1 - 3; 1 Samuweli 8 - 10 no-15
Inhloso yesifundo	Izingane ziqonda ukuthi uNkulunkulu ukhetha abantu ukusiza abangabaKhe.

Isifundo esifingqiwe:

- Izwe laseKhanani lalihlukaniswe phakathi kwezizwe eziyishumi nambili zakwa-Israyeli.
- Indawo kaJosefa yabelwa amadodana akhe uManase no-Efrayimi futhi isizwe sakwa-Levi sathola amadolobha angama-48 ayezohlala kuwo namasimu ezinkomo zawo nezimvu esikhundleni somhlaba.
- Ngemuva kokufa kukaJoshuwa kanye nompristi ophakeme uEliyeza, ama-Israyeli acala ukona kuJehova, bakhonza abanye onkulunkulu.
- INkosi yathukuthela ngabo, yabe isivumela izitha zayo ukubangqoba, ama-Israyeli agqilazwa ngababusi bawo bezinye izizwe.
- Ngaso sonke isikhathi lapho ukuhlupheka nengcindezelo kungabekezeleleki kuma-Israyeli ayekhalela usizo lukaNkulunkulu.
- UNkulunkulu wabe eseba nesihe kubo futhi wakhetha umaHluleli, ongumholi wamasosha, futhi wamsiza ukuthi asindise ama-Israyeli ezitheni zawo. Ngesikhathi sokuphila komaHluleli kwaba nokuthula ezweni.
 - Ngemuva kokufa komaHluleli, ama-Israyeli aphinde aphambuka kuNkulunkulu, futhi uJehova wabayekelela kabusha ekucindezelweni kwabo ngaphansi kwezitha zabo.
- UNkulunkulu wasiza umahluleli uGideyoni ukuthi abhubhise amaMidiyani anamandla ngamadoda angama-300 nje.
- Ngemuva kweminyaka eyi-7 yokuhlupheka ngaphansi kwabakwaMidiyani, lokhu kunqoba kwaletsa iminyaka engama-40 yokuthula kwa-Israyeli.
- USamuweli wahola ama-Israyeli ngokomthetho kaNkulunkulu. Lapho esemdala kakhulu, wayala amadodana akhe amabili ukuba enze okufanayo, kepha akamlalelanga yena nemithetho kaNkulunkulu.
- Abantu babefuna inkosi futhi nalapho sebexwayisiwe nguSamuweli ngokufuna kwabo inkosi, abalalelanga kepha baqhubeka nokufuna inkosi.
- UNkulunkulu wakhetha uSawule njengenkosi, uSamuweli wamgcoba njengenkosi yakwa-Israyeli.
 - USawule akazange amlalele uNkulunkulu, ngemuva kokunqoba ama-Amaleki ngokusindisa impilo yenkosi nangokuthatha izilwane ezinhle kakhulu njengomhlatshele kaNkulunkulu.
 - USamuweli wathukuthela futhi walayeza kuSawule ukuthi ngenxa yokwenqaba kwakhe izwi likaJehova, kanjalo uJehova naYe umhlalele. Ukulalela kungcono kunomhlatshele.
- Ngemuva kokufa kukaSamuweli, amaFilisti aphinde ahlasele alwa no-Israyeli, kuthe inkosi uSawule ibona ibutho labo, yesaba, yacela iseluleko kuNkulunkulu, kepha uNkulunkulu akamphendulanga.
- Ngemuva kwalokho, ngobuwula uSawule waphendukela kumlumbi ukuze axhumane noSamuweli owayesefile.



- USamuweli wabonakala waqinisekisa ukuthi uNkulunkulu umhlale futhi waphorofeta ukuthi uSawule namadodana akhe bazokufa ngosuku olulandelayo.
- AmaFilisti anqoba ama-Israyeli ngosuku olulandelayo kwathi namadodana kaSawule abulawa.
- USawule wayelimele kabi. Wayengafuni ukubanjwa ngakho wazibulala ngokuwela phezu kwenkamba yakhe.

Sisho ukuthini lesisifundo kithina namhlanje na?

- UNkulunkulu weyefuna uSawule nama-Israyeli ukuba basabe uNkulunkulu futhi bamlalele.
- UNkulunkulu wayehlala esindisa ama-Israyeli kuzo zonke izinhlobo zokuhlupheka; wabanika abahluleli ababebaqinisekisa ngokunqoba ezitheni zabo.
- Namuhla uNkulunkulu usiza bonke abantu abakholelwa kuJesu Kristu.
- Kufanele sithandaze sicele usizo lukaNkulunkulu empini yethu yokulwa nobubi futhi sihlale sithembekile kuYe.
- Ukuze thina sibone usizo lwaKhe kufanele silandele izeluleko zaKhe.
- UNkulunkulu ukhuluma nathi ngonembeza wethu, ezimweni ezithile esihlangana nazo, ngabantu abathile kanye nangezinkonzo eziNgcwele.
- Kufanele sithandazele ukuba siqonde intando kaNkulunkulu.

Yenza Umsebenzi woku-1 nengane yakho.

Izimpendulo zomsebenzi woku-1: Okuqashunwe kumlando kaGideyoni

1. Iminyaka engu-7 2. khiqiza, imvu, inkabi noma imbongolo 3. INgelosi yeNkosi 4. sindisa 5. umhlabathi owomile, uboya obugundiwe obumanzi	6. umhlabathi omanzi, uboya obugundiwe obomile 7. Amadoda angama-300 8. amacilongo, izitsha zamanzi ezingenalutho / izimbiza nezibani 9. bashaye amacilongo baphihliza izimbiza 10. Iminyaka engama-40
--	--

Eminye imibuzo esingayibuza:

1. Zingaki izizwe zakwa-Israyeli ezazikhona na?

Impendulo: Izizwe eziyi-12

2. Yisiphi isizwe esingatholanga umhlaba na?

Impendulo: Isizwe sakwaLevi

3. Ngubani owakhethwa nguNkulunkulu ukusindisa ama-Israyeli ekuhluphekeni kwawo na?



Impendulo: AbaHluleli

4. UGideyoni wahlula amaMidiyani ekanye namadoda amangakhi na?

Impendulo: Amadoda ayi-300

5. Ngubani owayengumahluleli wokugcina phezu kwama-Israyeli na?

Impendulo: USamuweli

6. Kungani uNkulunkulu amlahle uSawule nama-Israyeli na?

Impendulo: Abazange balandele imithetho nemiyalo kaNkulunkulu / abalalelanga

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen

Umkhuleko ngemuva kwesifundo

Baba othandekayo oseZulwini

Siyakubonga ngokusigcina siphephile

Ngisize ngibe nomusa kubo bonke

Siyakubonga ngokuba nguMelusi oLungileyo osithandayo nosiqondisayo.

Amen